



UNIVERSITÄTS-
BIBLIOTHEK
PADERBORN

Regula Sancti Patris Benedicti

Benedikt <Montecassino, Abt, Heiliger>

Moguntiae, 1604

XXVII. De publicatione & absoluteione Capituli.

[urn:nbn:de:hbz:466:1-64533](https://nbn-resolving.org/urn:nbn:de:hbz:466:1-64533)

tione, quod in nullo horum Monasteriorum possit ipsum Capitulum amplius quam biennium continuum celebrari.

3. Qui locus sic electus, nisi ex rationabili causa, & de Præsidentis, nec non maioris Visitatorum partis consensu ad aliud Monasterium transmutari non possit: aut per breve tempus, octo videlicet, vel ad plus decem dierum differri. A decem verò diebus vsque ad unum mensem, nisi de Præsidentis omniumque Visitatorum consensu minimè differri possit: predicti Capituli tempus, & hoc nisi ex urgentissima & ineuitabili causa.

4. Quod si aliqua rationabili causa Præsidentis & Visitatores prædicti, ipsius Capituli locum duxerint transmutandum vel prolongandum, congruo tempore omnibus Prælatibus Monasteriorum per literas significare nullatenus prætermittant.

5. Statuimus etiam, quoad expensas, quæ in Capitulo generali fient, omnia Monasteria, tam citra, quam vltra alpes, secundum eorum taxam contribuere teneantur.

De Publicatione, & Absolutione Capituli.

C A P. XXVII.

OMNIBVS quæ ad Generale Capitulum pertinent expeditis, omnes aduocentur tam de Capitulo quam Professi Monasterii, vbi Capitalum celebratur: publicentur

De publicatione, & Absolut. Cap. 77

que per Scribam Capituli, tanquam auctoritate Apostolica publicū Notarium Præfidentem Regiminis, Visitatores, & Prælati Monasteriorum, tam administrationem habentes, quam Titulares, & si qui sunt Administratores sine titulo, & Procurator in Curia, præsentibus testibus pro hoc actu specialiter rogatis.

2. Quibus peractis exeant omnes, qui non sunt de Congregatione. Et consequenter per Præfidentem vel Scribam terminata in Capitulo publicentur: exceptis his quæ secreta Dfinitores duxerint tenenda. Quæ verò publicata fuerint, Prælati aut Conuentuales in scriptis ad sua Monasteria Fratibus suis denuncianda portent. Et quæ à præfato Capitulo per duo præterita Capitula approbata fuerint, vel in futurum approbanda emanare contigerit, secum ad sua Monasteria vel deferant vel deferri faciant, quamprimum commodè poterunt, in libro ad hoc in modum registri deputato per se vel per alium fideliter exaranda.

3. Quæ quidem Ordinationes ter per annū in Monasteriis legantur: Videlicet in reuersione Prælati à Capitulo: circa festum Omnium Sanctorum: & circa Quadragesimam. Postea publicentur nominatim omnes nostræ Congregationis Fratres qui præterito anno in Domino quieuerint: vt si pro alicuius requie consuetæ orationes ex ignorantia vel negligentia factæ non fuerint, supplean-

tur. Publicentur & nominatim, si qui fuerint fugiui, vel expulsi: vt ab omnibus uideantur, secundum Declarationem super capitulo Regulæ x x i x. Publicentur etiam mutationes Fratrum, & insuper Fratres qui anno præterito votum Professionis emiserint.

4. Et imponantur x x x. Missæ, pro quolibet Monasterio, pro defunctis habentibus litteras gratiosas, qui illo fortè anno decellerunt: quas pro debito nostro sufficere uolumus.

5. Vltimò publicetur locus sequentis Capituli. Consequenter Pater Præsidentis committat omnibus, vt oretur pro Sanctissimo Patri nostro, pro Cardinalibus, pro Principibus Prælati, ac Congregationis nostræ Benefactoribus uiuis atque defunctis.

6. Quibus peractis, Visitatores à Scriba Capituli requirant & petant in scriptis, si qua ordinata sunt pro Monasteriis suæ Prouincie quæ ad eorum officium pertineant. Et similiter, quilibet Prælatus petat à Scriba Capituli, si qua ad suum Monasterium pertinetia ordinata fuerint, in authentica Forma in libro sui Monasterij, vt supradictum est, postea adnotanda: & in specie de Fratribus ad suum Monasterium tunc deputatis, an per aliquo illorum obtenta fuerit licentia, vt ad ordines promoueat, & quo tempore. Et similiter à Patre Præsidente requiratur, si qua fuerint ad suum Monasterium per-

inentia : & sic obtenta prius licentia , & benedictione percepta , facultas sit unicuique redeundi ad sua Monasteria : nisi ex aliqua causa fuerit necesse aliquos remanere. Præsidentens tamen & Visitatores vltimi recedant.

7. Modus autem, hæc omnia pronuntiandi, vt ab omnibus idem ordo seruetur , erit iste. Videlicet primò pronuntientur Prælati. Secundò, ordinationes confirmatæ : Tertio, ordinationes nouæ. Quarto, Admonitiones. Quinto, Mutationes Fratrum. Sexto numerus professorum fratrum. Septimò , Fugitiui & expulsi ac licetiati : qui specificè nominentur, & à quo Monasterio. Octauo, Specificentur nominatim defuncti omnes, & in quo Monasterio. Nono, Numerus defunctorum habentium litteras gratiosas. Decimo, Triginta Missæ pro dictis habentibus litteras gratiosas. Vndecimò , Impositio taxæ , siue taxarum. Duode imo, Locus futuri Capituli. Tertio decimo, Licentia recipiendi Nouitios ad professionem : & postremò Procurator in curia, ac Depositarius Congregationis.

De pecuniarum distributione.

CAP. XXVIII.

ABSOLVTO itaq; Capitulo, Depositarius cum licentia Patris Præsidentis, omnibus Prælati Marsupia Monasteriorū quorū

nomi-